



**MINISTÈRE
DE L'EUROPE
ET DES AFFAIRES
ÉTRANGÈRES**

*Liberté
Égalité
Fraternité*

DIRECTION DES RESSOURCES HUMAINES

SOUS-DIRECTION DE L'ATTRACTIVITÉ ET DES RECRUTEMENTS

Bureau des concours et examens professionnels

**Concours externe, concours interne et troisième concours
pour l'accès à l'emploi de
secrétaire des affaires étrangères (cadre d'Orient)
au titre de l'année 2026**

Épreuve écrite d'admissibilité n°4

Mercredi 26 novembre 2025

Mandingue

Section Afrique

Durée totale de l'épreuve : 3 heures - Coefficient : 3

Toute note inférieure à 10 sur 20 est éliminatoire.

Dictionnaire autorisé

Réponses courtes, dans la langue choisie au moment de l'inscription, à des questions à partir d'un dossier composé dans cette même langue permettant d'apprécier les connaissances linguistiques et l'aptitude à formuler des réponses complexes sur les sujets d'actualité en lien avec la section choisie.

Ce dossier comporte 2 pages (page de garde, sujet et sommaire non compris)

Sommaire

Document 1.....	1
Document 2	2

Questions

Question 1 (6 points) :

Afiriki kelenya tɔnba sigira senkan walasa ka bɛɛjɛfanga, hadamadenya hakɛw ani Afiriki ka nɛtaa sabati. Yala e hakili la, tɔn in ye a ka lapiniw sɔrɔ wa ?

Question 2 (6 points) :

E hakili la, Afiriki kelenya tɔnba ka kan ka mun de kɛ walasa ka bɛn ni basigi sabati Afiriki jamanaw kɔnɔ ?

Question 3 (8 points) :

E fɛ, Kɔnɔwari jamana ka kan ka fɛɛɛ jumɛnw sigi senkan, walasa kakawosɛnɛ ka jamana nafa ?

Document 1

Afiriki kelenya tɔnba jɛmɔgɔya latɛmɛna Afirikidisidi jamanakuntigi ma

Jamanakuntigi Ibrahimu Bubakari Keyita sugandira Afiriki jamanakuntigi tɔw fɛ u ka san 2019 feburuyekalo lajɛ senfɛ, k'a kɛ Afiriki kelenya tɔnba seko ni dɔnko nana ye. Afiriki kelenya tɔnba seko ni dɔnko ye ko kura ye Afiriki kelenya tɔnba bolo, min hakilila bɔra jamanakuntigi Ibrahimu Bubakari Keyita la. U ye jɛkulu kɛrɛnkɛrɛn a kama, min mɔgɔw ye Lajinɛ jamanakuntigi Alifa Kɔnde, Kɔngo Barazawili jamanakuntigi Deni Sasu Ngeso, Kapuwɛri jamanakuntigi Zɔrizi Karilɔsi Fɔnseka, ani Ecopi jamanakuntigi Salewɔriki Zeyide. O jɛkulu in ka lajɛ fɔlɔ de kɛra karidon, feburuyekalo tile 9 san 2020. Baara min donna o jɛkulu bolo, o ye Afiriki seko ni dɔnko sankɔrɔtali dabaliw tigeli ye. A bɛ jamanakuntigi tɔw hakililaw nini a ka baara sabatili sariyasunba sigili la senkan, o min bɛna dajira Afiriki tɔgɔla depitebulonba la, san 2021. A bɛ dabɔ jɛkulu in ka se ka kɛ bɛn ni lafiya sɔrɔli sababu jɔnjɔn ye Afiriki kɔnɔ. A b'a to jamanadenw ni jamanaw ka se ka jɔgɔn laadi, walima ka jɔgɔn sɔn hakili numan na, n'u seko ni dɔnko ye. Nin sen in na, Afiriki kelenya tɔnba ka lajɛ 33nan bolila masalakun min kan, o ye "ka marafaw sɛmɛ, ka dabali numan tigɛ Afiriki yiriwaliko la." Afiriki kelenya tɔnba jɛmɔgɔya ye san kelen-kelen ye. Afirikidisidi jamanakuntigi Sirili Aramafosa sugandira ka bila a la Eziputi jamanakuntigi marisali Abudeli Fata Alisisi nɔ na. Ibrahimu Bubakari Keyita kɛra jɛmɔgɔ kura in dankan 2nan ye. Sirili Aramafosa y'a jira ko lapini ye ka Afiriki hɛrɛ kɛ a mɔgɔw ta ye, a kana buruja. Lapini dɔ fana ye musow makaranni ye. O siratigɛ la, Afiriki kelenya tɔnba hami ye yanni san 2063 cɛ, forobabaara minnu bɛ di jamanaw kɔnɔ, u musaka 25% ka don musow ka jɛtaa dafɛ. Ka sɔrɔ an bɛ waati min na, 1% dɔrɔn de bɛ ka don a dafɛ. A b'a fɛ fana ni bɛnkanw bɛ ta, jama 50% ka kɛ musow ye. Afiriki kelenya tɔnba ni dijɛ tɔnba Oni ye bɛnkan ta nin lajɛ in senfɛ kojugubakɛ kɛlɛli hukumu kɔnɔ Sahelikungo kɔnɔ. Alizeri fana y'a jira ko a bɛna a jɔ a jɔyɔrɔ la a ko la. Fɛn minnu ye gɛlɛya ye Alizɛ bɛnkansɛnbɛn kɔnɔko lawaleyalɛ la, Alizeri jamanakuntigi kura ko alɛ bɛna a jilaja kuma ka kɛ o yɔrɔw kan kokura, ani k'a seko jira Libi kɛlɛ fana banni na. Afiriki kelenya tɔnba ka lajɛ min kɛra kojugubakɛ kɛlɛli kan, jamanakuntigi Ibrahimu Bubakari Keyita y'a jira kunnafonidilaw la a bɔtɔ o lajɛkeso la, ko dijɛmaa ni Mali teriw k'a dɛmɛ kɛlɛ in banni na, ko kojugubakɛlaw bɛ ka Sahelikungo yiriwalibaaraw sennasiri. Jamanakuntigi ka fɔ la, digi min filɛ Afiriki ni Nansarala cɛ, n'a karila don o don, ji bɛ walankata ka don kɔgɔji Mediterane kɔnɔ. O kuma ye nsana ye. A b'a fɛ k'a fɔ kojugubakɛ min filɛ Sahelikungo kɔnɔ, n'a ma kɛlɛ a tuma na, a mɛɛn o mɛɛn, a kɔlɔlɔ bɛ walankata ka kɔgɔji Mediterane kɔsagon. N'o kɛra Farafin ni Farajɛ, bɛɛ b'i ta sɔrɔ a la. Jamanakuntigi ko Afiriki kelenya tɔnba ye lajɛ min kɛ lafiya ni basigi sabatili kan, kalo kelen Po lajɛ kɔfɛ Faransi, Zɛsɛnki Sahɛli (G5 Sahel) jamanakuntigiw ni Faransi jamanakuntigi fɛ, a tun jɛnina jamanakuntigi ninnu fɛ, u k'u fɛla jɛya Faransi sɔrɔdasiw toli, walima u tobalɛya la Sahɛli kɔnɔ. Nka Sahelikungo jamanaw ni Faransi ka wulikajɔw n'u ta bɛɛ, kojugubakɛ sɛlɛn tɛ ka ban Sahelikungo kɔnɔ hali bi. A ko a numan ye dijɛmaa k'a bolo don o wulikajɔw kɔrɔ, min b'a to u nɔ ka ye. Jamanakuntigi ka fɔ la, dansagon tɛ mɔgɔ si danbɛ ye. Ka don misiriw kɔnɔ ka mɔgɔw faga, ka don egiliziw kɔnɔ ka mɔgɔw faga, ka don sugufiyɛw kɔnɔ ka mɔgɔw faga, nin si tɛ danbɛ numan ye. A ko an tɛ se ka to don o don sukasi la, ko min bɛ su bɔ, an ka kan k'an fanga de fara jɔgɔn kan k'o bali.

Kibaru boko 577nan, san 2020

Document 2

Kakawo sɔngɔ yɛlɛnna ka se hake ma, a tun ma deli ka min sɔrɔ fɔlɔ Kɔnɔwari (Côte d'Ivoire) jamana kan.

Arabadon, ɔkutɔburukalo tile 1, san 2025, Kɔnɔwari jamanakuntigi Alasani Watara y'a lase Kɔnɔwari kakawosɛnɛnaw ma ko kakawo kilo kelen sɔngɔ kɛra sefawari 560 (erowari 4,26) ye. Hakililajigin na, Kɔnɔwari ye jamana fɔlɔ ye diɲɛ kɔnɔ, min ka kakawo sɛnɛta ka ca ni bɛɛ ta ye. Kakawo sɔngɔ tun ma deli ka yɛlɛn ka se nin hake ma fɔlɔ.

Jamanakuntigisigi kalataw bolodalen bɛ Kɔnɔwari ɲinan ka bɛn ni ɔkutɔburukalo tile 25 ye. Alasani Watara min ye cɛbɔ ye manda naaninan nɔfɛ, kɔnna ka kakawo sɔngɔ lase sɛnɛkelaw ani diɲɛmaa ma. Kɔnɔwari, jamana yɛrɛ de bɛ kakawo sɔngɔ dansigi. O de kɔsɔn kakawo sɔngɔ basigilen don yen ka tɛmɛ jamana wɛrɛw kan i n'a fɔ Kameruni jamana, o min ka kakawo sɛnɛta man ca kɔsɛbɛ. Yen, kakawo sɔngɔ sigilen tɛ jamana fɛ, o de kɔsɔn a bɛ jigin ka yɛlɛn tuma ni tuma. Tuma min na kakawo sɔngɔ gɛlɛyara san 2024, awirilikalɔ la, Kɔnɔwari jamana tun ko ko kakawo kilo kelen bɛna feere sefawari 440 (erowari 3,35) la. « N b'a da aw tulo kan ko san 2025-2026 kanpaɲi na, kakawo ɲuman jalen kilo bɛna feere sefawari 560 la. » Nin ye Alasane Watara kumakan ye laɲɛ dɔ sɛnfɛ Abijan « parc des expositions » na. O kɔfɛ, a ko kafe kilo kelen bɛna feere sefawari 340 (erowari 2,59) la. ɛdimɔn Nbara, n'o ye sɛnɛkelɛ ye ka bɔ jamana cɛmanceɲanfan fɛ, o y'i kanto Ayɛfipe (AFP) kunnaɲonidilaw ma: "Nin diyara an ye kɔsɛbɛ. Nin ye a san caman ye, sɛnɛkelaw bɛ ɲani na." Umaru Bɛrilemu n'o ye sɛnɛkelɛ ye ka bɔ jamana woroduguyanfan fɛ, o ko "Sisan kɔni, an bɛ se k'an denw don lakɔli la, k'an da ka sunɔgɔ, an hakilila tigelen. Jumadon, Lɔnduru (Londres), kakawo min ka kan ka feere ka bɛn desanburukalo nata ma, o tɔni kelen tun bɛ ka feere liwurusiterilɛngi (livre sterling) 4.872 (erowari 5.595) la. O waati kelen na Niyɔriki (New York), tɔni kelen tun bɛ ka feere dolariwari 6.921 na. Kakawo min bɛ feere diɲɛ kɔnɔ, 40% bɛ bɔ Kɔnɔwari (o bɛ bɛn kakawo tɔni miliyɔn fila ma san kɔnɔ). Kakawo wari bɛ bɛn 14% ma Kɔnɔwari ka san kelen sɔrɔ la, n'o ye a ka peyibe (PIB) ye. Kɔnɔwari gɔfɛrɛnaman ka fɔ la, mɔgɔ miliyɔn kelen ka baara ye kakawosɛnɛ ye, mɔgɔ miliyɔn duuru ka balo sirilen bɛ a la.

Le Monde avec AFP, ɔkutɔburukalo tile 2, san 2025